

全清詞鈔

全清詞鈔第二十一卷

何紹基

字子貞，號東洲，一號駿叟，湖南道州人。道光十六年進士，改庶吉士，授翰林院編修，有東洲草堂詩餘

一卷。

調笑令 卽事，用東坡韻。

漁父。漁父。破笠衝風冒雨。雪花飛滿蓑衣。無計得魚暮歸。歸暮。歸暮。燈火上元何處。孤雁。孤雁。飛向瀟湘遠岸。家書倩汝攜還。道我今宵苦寒。寒苦。寒苦。三日裏門外住。

沈兆霖

字尺生，一字子淦，號朗亭，又號雨亭，浙江錢塘人。道光十六年進士，改庶吉士，授翰林院編修，官至陝

甘肅督，諡文忠，有尺生詞一卷。

御街行

九月十四日過浣園

踏殘黃葉秋聲碎。拭不盡、銅駝淚。無情一炬送阿房。并箇哀螢都死。瓊樓玉宇。人間天上。卷入墟烟紫。玉聽何日還重莅。望眼隔、居庸翠。白頭宮監更無言。悶倚頽闌閒睇。西山好在。癡雲深鎖。一樣含愁思。

疎影

詠柳

全清詞鈔 第二十一卷

何紹基 沈兆霖

籠烟冒雨。蔽大隄一綠。彌望無路。空地長條。莫縮春暉。愁絲自結千縷。疏花淺草。明湖岸。怎負了、搗柑儔侶。又夢回、鳥語分明。喚道不如歸去。還怕芳華易歇。算應無幾日。簾外飛絮。倚仗東君。濯濯風姿。尙認當年張緒。天涯人遠。樓臺近。怨笛裏、渭城聲苦。料有情、不會青青。望斷綠波南浦。

承齡

字子久，一字尊生，裕瑚魯氏，滿洲鑲黃旗人，道光十六年進士，官至貴州按察使，有冰蠶詞一卷，一名

大小雅堂詩餘

蝶絲花

日日江樓愁獨凭。潮去潮來。舊恨難重省。百折千回流不盡。斜陽一桁珠簾影。海燕歸時花徑暝。月色銀黃。照見雙棲穩。一霎春寒催酒醒。春來料理傷春病。

憶舊游 送春

怎燕子驚兒。忽忽舞倦。便勸春歸。在苒隨流水。算榆錢買得。能住多時。落花乍低還起。如訂隔年期。縱說道東風。年年依舊。老了楊枝。徘徊認踪跡。是碧汎萍圓。紅沁苔肥。打疊和愁送。奈天涯夢遠。黏著游絲。綠陰近來門巷。蜂蝶不曾知。但目斷斜陽。芳園客去簾晝垂。

雙雙燕 白燕

玉釵股上。共玄鳳輕搖。舊時曾見。鉛華淨洗。漫問漢家宮殿。催得柳明花暗。掠飛絮。風前零亂。留他月影。

雕梁。屬付晶簾休卷。芳院。梨雲片片。正蝶粉初乾。莫拋雙翦。傷春人老。憔悴雪香煙燼。翻妬愁痕太淺。想一縷紅絲猶罨。樓中縱有春風。也恐鬢華早換。

采桑子

永豐坊裏尋常見。瘦削腰肢。雙燕來時。一翦東風萬柳絲。江南花事憑人說。開到荼蘼。莫綰相思。如水春愁總不知。

臨江仙

往事零星難記省。思量常是經年。酒濃香殢困人天。綠雲斜壓。一枕夢初圓。芳徑畫屏都未改。祇應閒了秋千。微波重與致纏綿。暮然驚斷。歸燕蹴箏絃。

陌上花

畫蝶、珮蘅寶盞屬題

青陵怨魄。年年還舞。廿番芳信。偶倚東風。那管畫長花困。錦叢儘許秦宮活。猶自棲香難穩。又天涯綠遍。怎生禁得。燕捎鴛趁。露濃春有暈。蠻箋擲就。幾許六朝金粉。草色裙腰。誤認過牆雙影。是誰小撲輕羅扇。惹起落紅成陣。望羅浮路杳。漆園尋夢者。回應準。

金縷曲 蠟淚

莫翦燈花穗。地啼痕、無情有恨。畫堂秋思。待把碧紗深深護。又被斜風喚起。更不管、玉釵憔悴。斗轉參橫。

人將去。暗相和、銀箭翻濤水。點點是。別時淚。華筵似夢從頭記。記春江、徵歌說劍。六朝遊戲。十萬驪龍珠齊吐。分照花天酒地。賸狼藉、堆階紅膩。結客歸來黃金盡。熱心香、伴我修眉史。誰忍賦。短檠棄。

疎影 殘雪

天花碎縷。問翦水鏤冰。誰解攀折。萬點花魂。分付迴風。也作亂紅飄撇。拚教詠絮無消息。奈畫角、一聲吹徹。卻怪他、催送春來。怎又暮寒驟屑。銷得斜陽幾度。灞橋更極目。煙樹明滅。祇有蛾眉。深淺窺人。讓出遠山層疊。香泥不分隨鴻爪。但夢憶、參差雲葉。算幾宵、月滿瓊樓。已是試燈時節。

菩薩蠻

碧城十二籠煙霧。瑤天飄渺乘鸞去。清怨託琴絲。相思知爲誰。越羅春水色。密約湔裙日。消息到東風。簷花自在紅。

雙雙錦綬銜金鳳。流蘇香煖搖殘夢。胡蝶抱花枝。夜深風定遲。重簾低窄地。鴛牒分明記。四月熟梅天。畫樓聽雨眠。

子規啼雨催人醉。白波倒捲離人淚。莫惜百分空。問君何日同。宿雲低鳥翼。潮長春流急。帆影盡遙天。斜陽千萬山。

迴腸日夜車輪轉。天涯不抵屏山遠。留得去年書。一雙紅鯉魚。中央周四角。密字真珠絡。軋軋九張機。春蠶多少絲。

姚斌桐

字秋士，漢軍正白旗人，道光十六年進士，官兵部職方司主事，有還初堂詞鈔一卷。

齊天樂

銷魂試向蓮塘問。吟懷頓添淒楚。冷露猶凝。枯香欲斷。禁得秋風如許。鴛鴦最苦。怕涼到天心。欲棲無處。比似春蠶。亂絲抽盡萬千縷。當時翠盤醉舞。有划船越女。妝罷還妬。瘦怯羅衣。愁拋玉鏡。一樣銷凝遲暮。空房細數。歎流水年華。半隨伊去。甚得心情。夜窗留聽雨。

孫宗禮

字定夫，江蘇江都人，道光十六年進士，官廣東澄邁縣知縣，有二十四橋吹簫譜二卷，外譜一卷。

南浦

春水，效玉田體，即用山中白雲詞原韻。

雁齒舊痕平。望鄰鄰、十里溪光初曉。乍覺縠紋圓。風吹過、又把鏡奩低埽。漁歌唱起。綠楊陰裏扁舟小。倚徧湖樓窗四面。還認黏天煙草。閑來放鴨闌邊。正沙融浪暖。鴛鴦睡了。極目最關情。秦淮路、曾記夢中尋到。晴波渺渺。挂帆人去荒磯悄。一夜春潮流不盡。知帶落紅多少。

莊縉度

字眉叔，江蘇陽湖人，道光十六年進士，官戶部主事，有黃雁山人詞四卷。

賀新涼

和顧菴塘

九陌黃塵淺。向長安、車如流水。馬如飛電。昨日斜陽今日雨。做盡淚絲花片。恐誤了、鬱金雙燕。如此樓臺春世界。悵紅襟、只繫佳人綫。尋舊夢、畫梁選。幽篁掩淚珠千點。伴深閨、一雙翠袖。暗愁難遣。試問天邊眉樣月。去照誰家庭院。且莫咏、秋風團扇。製就齊紈光皎潔。便攜來、障得凝酥面。研妙墨、好題偏。

采桑子

和曹良甫落花原韻

惜春無計留春住。衣冷香篝。花撲簾鉤。萬種新紅裏亂愁。飄零不信隨流水。飛上釵頭。點入茶甌。夢裏斜陽隔畫樓。

余遂生

原名曜堯，字蘭谷，江西崇義人，道光十六年進士，官四川巴縣知縣。

雙雙燕

秋燕

西風簾幙。看弱羽翩翩。尙相追逐。記從芳渚。悄把亂紅輕蹴。彈指流光何速。早換了、楓丹桑沃。海天歸路茫茫。何處更容雙宿。冷落玉樓金屋。正對雨呢喃。相依漸熟。璇閨此後。應是暗傷幽獨。幾度倚闌遙矚。又誰與、商量寒燠。還期隔歲來尋。好把舊巢重築。

黃玉階

字蓉石，廣東番禺人，道光十六年進士，官刑部主事，有讀蘇室詞。

法駕道引

游仙夢。游仙夢。伉儷見情真。葛鮑雲端攜手過。隨行仙蝶大於輪。圍繞藕絲裙。

又

游仙夢。游仙夢。字字護煙雲。寄語彩鸞休浪寫。人間韻學久翻新。舊本已千春。

馮志沂

字魯川，山西代州人，道光十六年進士，官至安徽按察使，有西隴山房詞。

蝶戀花

秋蝶

老圃花殘風露冷。是汝生遲。莫怨流光迅。半晌斜陽花外影。餘溫且晒零星粉。

萬紫千紅搖落盡。不信

人間曾有花如錦。燕已南歸鶯又噤。憑誰訴與西風聽。

又

春暮

雨過空庭人寂寂。縱掃春苔。不見春歸跡。飛絮初晴無氣力。因風還度疏簾隙。不耐閒階頻佇立。靜掩房櫺。猶怯輕寒襲。斷夢惺忪何處笛。聲聲裊入爐烟碧。

載

銓

□□宗室，襲封定郡王，諡敏，有行有恆堂集，附詞。

霜葉飛

蘆溝曉望

夕陽西下。黃昏近。餘霞紅覆林表。古原衰草怕西風。正岸迷蒲蓼。驛柳葉、疏疏嫋嫋。桑乾秋水波流渺。見

一派狂瀾。送旅客、行程萬里。令人心悄。村落遠映青山。征鴻喚侶。轉覺無限深窈。又聞鴉噪暮烟迷。野曠繁星小。月欲墮、如鉤皎皎。人家燈火沿隄遶。畫角聲、頻淒切。節序生涼。此情難了。

畫堂春 春暮

嫩寒初過雨濛濛。乍晴蘚徑泥融。曉來無奈落花風。誰惜殘紅。小閣開簾悵望。輕盈絮舞長空。乳鶯啼倦綠楊叢。春老園中。

史致澤

原名應鼎，字愛甫，江蘇陽湖人，道光十七年舉人，有荆餘草堂詞一卷。

浪淘沙

亂後游西湖

晴日滿寒灘。碧浪輕翻。湖光盡處是青山。恰得西湖真面目。全沒遮攔。竹樹已全刪。兵火燒殘。棟花風定釣絲閒。賸有鰓魚雙白鷺。倦亦思還。

張葆謙

字牧阜，直隸南皮人，道光十七年舉人，官河南武陟縣知縣，有墨華軒詞。

祝英臺近 湘江尋夢圖

客舟停。山月冷。夢境覓湘沉。怨竹啼紅。痕灑淚斑淺。是他風引羈魂。露凝湘佩。莫吹醒、梵鐘聲遠。恨難遣。可惜彈指年華。忽忽夢緣短。夢草懷來。月下定飛徧。卻愁夢也難尋。夢中說夢。願常把、離魂雙綰。

鄭珍

字子尹，貴州遵義人，道光十七年舉人，官江蘇候補知縣。

蝶戀花

瓔珞仙雲飛過處。一陣風來，吹散花龍雨。碧嶂紅泉愁日暮。爲寄麻姑君莫誤。黃竹難栽，還是栽桑樹。腸斷平生淒絕句。他生莫作涪陵女。

浣溪紗

萬水千山苦覓尋。斷崖荒澗杳無音。瀑西飛出一聲琴。五十年間真隔世。到來依舊謝家林。可憐相憶到而今。

陳良玉

字朗山，號鐵禪，漢軍鑲白旗人，道光十七年舉人，官知縣，有虞苑東齋詞鈔一卷，梅窩遺稿詞一卷。

名梅窩詞鈔

二姝媚

杜季英齋中芙蓉和汪美生韻

酒潮連粉色。纔禁住斜陽。醉容欲側。好是幽齋。怕生來江上。看人離別。木末寒餘。腸又斷。苦吟騷客。遲暮空傷。娉婷不嫁。破愁無力。芳檻青沾苔跡。西風露初寒。小憐當夕。惹盡相思。剩啼螢淒切。倩伊將息。喚作宜霜。應自信。拒霜標格。寂寞秋心。知有東籬伴得。

玲瓏四犯

牡丹已落，悵然賦之。

烘畫輕陰。惹檻外紅香。搖蕩深院。拍遍霓裳。欲舞楚腰仍嬾。年少幾許才華。早占盡、翠尊檀板。奈玉京、月下偷還。卻剩彩霞千片。曉來怕展芳羅薦。對空枝、漫添葱蒨。豐臺競說餘春好。也定慵擡眼。粉膩待把酥煎。更怕引、豔魂淒斷。付戀叢雙蝶。風雨過、齊吹散。

陳長孺

原名丙綬，字伯章，一字秋穀，號稚君，浙江歸安人。道光十七年拔貢，有畫溪漁唱、紅燭詞、蕭瑟詞、寶劍

庵詞。

瑤華

風雪客窗，擁爐孤坐，偶拈此解，寒寂頓消。

模糊畫本。數點歸鴉。認亂雲堆墨。癡龍睡醒。剛喚起、聽我樽前吹笛。銀燈照處。悵絮粉、淚痕難覓。憑幾番、翠羽飛來。替說瑣窗岑寂。空懷白石風流。儘寫箇湖天。千樹寒碧。騎驢舊興。尋不到、那日灞橋詩客。吟肩瘦矣。但老鶴、仍能相識。記昨宵、夢裏孤山。已探玉梅消息。

葉坤厚

原名法，字湘筠，安徽懷寧人。道光十七年拔貢，官至河南南汝光道，有江上小蓬萊吟、舫詩餘二卷。

阮郎歸

亦園卽景

輕烟漠漠雨絲絲。春寒花信遲。東君何事殢花期。問花花不知。朝日霽。午風吹。芳菲天氣宜。誰家蜂蝶

已來窺檻前三兩枝。

鈕福疇

字西農，浙江烏程人。道光十七年拔貢，官安徽舒城縣知縣，有亦有秋齋詞鈔二卷。

疎影

題月明林下美人來詩意小幅，此圖傳自吳門，爲蘭陵徐梅谷所撫，丁曉岡出索倚聲，爲填此解。

虛烟一抹，看橫斜疏影，搖碎晴雪。二八雲鬟，三五銀蟾，寒生翠袖清絕。褪紅簾子，昏黃夜，盪一樣、冰魂涼徹。怕青禽、夢醒枝頭，喚破冷雲千疊。三載江南輕別，綺窗花事好，閒了吟屐。策蹇孤山，騎鶴揚州，前游歷歷誰說。五銖衣薄，天風峭，能消受、幾番明月。料羅浮、仙子重逢，香透一身仙骨。

驀山溪

閒庭似水。天許人疏懶。鎮日下重簾。知簾外，春深春淺。雙雙粉蝶，飛撲小紅樓。銀蒜影。玉鉤聲。多少零星怨。香泥冷落。一路如酥軟。燕子不銜來。怎禁得、遊驄作踐。陰晴無定。猜破幾番來。風裏絮。雨中花。都入傷春眼。

陳希恕

字養吾，號夢琴，江蘇吳江人。諸生，有鬧紅一舸詞八卷。

祝英臺近

陸瓣香屬賦柳花詞

日痕高。風力緊。作隊蕩春暝。簾捲淒迷。黏上玉釵潤。可憐飛絮今生。浪萍再世。除野鷺、也無人問。斷芳

訊。天涯才子飄零。和墨寫春恨。不管離人啼到黛眉損。傷心灞岸埋愁。隋宮葬淚。卻翻羨、桐絲無分。

洞仙歌

客有自嶺南來者。以蝶繭一雙。貽張薇人星。一夕蛻繭而出。形大於掌。異彩奪目。洵仙品也。越宿忽遁去。其一不勝惋惜。爰倩夏蔭谷之鼎作憶蝶圖。有詞索和。爲次韻以報。

同功初蛻。便遽遽判影。未必歸途故山準。看紅闌無恙。芳草多情。還認是、花底雙棲同命。羅浮春已去。夢也淒迷。何況殘紅落無定。根觸此離懷。萬一飛回。畢竟是、飄零金粉。賸描取、生綃莫輕看。怕爛化仙裙。前身重證。

唐壽萼

字蕙伯。號子珊。江蘇震澤人。諸生。有綠語樓倚聲初續集二卷。

玉漏遲

春陰沈滯。盆中水仙。二月始花。風簾雨幌。婉悴可念。剪燈賦此。夜寒彌益淒戾矣。

怪春痕短短。行雲何處。半匿瑤碧。乍見惺忪。剗機香階無月。不與素琴諧恨。禁得過、迢迢良夕。清淚滴。綠鬢低擁。背燈幽咽。可憐最小華年。受何限春寒。芳心如結。舊約梅花。怎遣翠禽傳說。夜夜曲屏風底。拚訴盡、肝腸冰雪。休怨別。重遺漢皋金玦。

探春慢

上元節後。春寒甚力。澹日微陰。時有雪意。賦此遣懷。

雲輦棲檐。雨輕泫砌。東風如此淒緊。金鴨香溫。綠梅笑淺。盼斷芳韶無影。流水昏鴉外。正寂寞、谿山催暝。剪刀初試封娥。漫天斷絮零粉。又是春燈落去。想霧閣陰陰。飄墜蘭燼。翠鈿拋匳。繡衾擁背。笑說江南。

春冷。嬾與尋芳約。任別院、黃鸝三請。悄掩重門。夢痕搖盪烟艇。

玲瓏四犯

雨夜無寐。憶丙戌之歲。同虞堂山塘餞春。聽雨畫船。踏月山寺。撫今感昔。黯然傷懷。效白石

翁體賦此。

春水綠波。夜船紅燭。相思今夕何夕。夢衾尋斷雨。醒枕留殘月。誰家水窗橫笛。攪離愁、寸腸堆積。梁燕頻驚。鄰雞再唱。風露曉天闊。滄浪棹歌徐發。念五湖人遠。襖靄空碧。流年詩鬢改。舊院繁華歇。杜郎自是尋芳晚。謾贏得、啼痕狼藉。休怨別、拚相見、此情難說。

綠腰令

薰風代序。梅雨不來。白日清宵。所思渺然。賦此。

綠陰清晝。過了水嬉節。烟波畫船何處。縹渺夢雲碧。那有舊時雙槳。弄箇湖心月。湘縈幽咽。翠屏風底。一曲離絃再三絕。羅襪淩波去遠。留此田田葉。須待菡萏花開。更喚疏簷揭。笑問蘭期誰省。暗與東風說。素琴纔闕。渺然身世。又聽江湖夜吹笛。

月華清

題孫次公秋燈遲夢圖

故扇棲煙。遺鈿墜地。人間如此清夜。一粟蘭釭。已是關風飄施。恁冥冥、月影窺窗。又瑟瑟、霜華篩瓦。來也。想彩雲影裏。瘦鸞初跨。莫問鴛鴦機恨惹。只難浣、啼痕舊時羅帕。萬一相尋。悄立白紗幮下。儘多般、兒女柔情。渾未了、水天閒話。圖畫。勝隨身餅盞。清涼行者。余有半幅廬圖。亦爲悼亡作也。

程紹裘

字鶴衫，江蘇泰州人，有煙波漁唱詞。

瑣窗寒 櫺聲

解纜旗亭。聲來柁尾。乍疑鴻語。低昂未穩。傍岸漫驚鷗鷺。蕩離魂、春醒半醒。是誰曲唱瀟瀟雨。看柳灣轉艇。菰蒲零亂。水窗涼聚。如訴。輕搖處。歎送盡行人。幾曾教住。催沈片月。隱約煙中前路。想紅閨、愁聽砌蟲。背燈擁髻。知睡否。又天涯、歲晚江空。底事歸期誤。

儲徵甲

字紀堂，江蘇宜興人，舉人，官安徽青陽縣教諭，有種竹山房詞鈔二卷。

洞仙歌

梅天過了。尙瀟瀟殘雨。付與羈人作淒楚。憶秋宵聽漏，春國餘寒。都不似、者樣荒寒情緒。瑤臺應不遠。遙想朱樓也。聽了丁冬鐸鈴語。欹枕數深更。入曉行雲。可遞到、鄉關煙樹。怕潤倡衣篝未成熏。欲寄與都梁。斷鴻無據。

經濟

字子通，號半園，江蘇甘泉人，有半園詞錄二卷，暗紅詞，韻麈詞各一卷。

臺城路 春陰

鵲鳩不喚東風醒。樓臺萬家春晚。望去分明。尋時隱約。盡日教人排遣。鶯簾半捲。禁鼎鵲煙低。被鴛綿軟。未是傷春。爲誰羅帶近來緩。韶光如此可惜。便黏花惹草。春去人遠。獨自憑欄。連朝小病。舊路還生新。蘇。心情自貶。怕酒市帘收。笛家門掩。底處飄來。柳花三四點。

清平樂

茶蘼開了。更有春多少。斜日畫簾鶯語悄。又是一庭煙草。舞腰瘦損弓彎。春愁卻在屏山。無雨無風時候。紗窗一剪輕寒。

王

鹽

字娘若、號青谿、又號亮叟、山西靈石人、有楚雲燕夢存稿、蓉江新唱、蘋香絮影詞各一卷、總稱間紅軒

詞、共二卷、

拜比芭仙

首夏浣岳招同人既集雙樹、復緣法海橋、時夕陽西匿、游船散去、煙水態呈、就雲山閣小飲、與

樊榭當年紅橋載酒、同一清趣、倚此解誌游興、即以送別、

飛絮飛花。看撩亂、一片春痕無迹。腸斷芳草天涯。何堪聽啼鴂。凝望裏、雲山閣外。祇斜照、半鉤新月。窄窄蘭舟。盈盈帶水。三兩吟屐。算孤負、三月烟華。謾回首、殘冬說游歷。浣岳去歲除夕獨游平山。遮莫者番情緒。似飄來榆莢。憑付與、微醺淺酌。共曳裾、我輩閒適。那便今夜分襟。暮愁空闊。

姚前樞

字古然，江蘇金山人。諸生，有紅林禽館詞錄一卷，又名來禽館詞錄。

西子妝

行吟堤上，長風捲沙，雁字明滅。倦柳愁荷，蕭瑟滿眼，彌覺黯然懷抱也。

波外攜筇。鷗邊洗屐。霜壓敗蘆沙渚。蓮拋殘粉倚西風。鎖銷魂、斷煙零雨。採芳人去。正秋老、落英堪賦。碧溪頭。怪淡黃官柳，衰颯如許。江潭暮。會得青青。不是多情樹。雁兒翻影。唳天南。駐蘅皋、素心憐汝。高城角苦。待搜入、烏絲闌譜。睨長堤、衰草頽陽迷路。

姚前機

字省于，號堅香，江蘇金山人。諸生，有懺情庵詞一卷。

水龍吟

題程襟蘭江山清空我塵土圖

碧空無際清流。替誰洗出青山色。可能容我。西江口吸。快湔胸臆。俯仰乾坤。冰壺澄澈。片雲無迹。甚烟波不語。巖花冷笑。神仙境。軟紅隔。枉羨阮郎遊展。好江山、幾人棲息。丹青寫徧。愁心千疊。漫勞相憶。喚起坡仙。與談身世。夢回頭白。問桃花流水。於中何處。著黃塵客。

水調歌頭

題張虛堂漁父閣填詞圖。時將東歸，即以志別。

插腳軟紅裏。何似臥滄洲。烟波空闊無際。風雪擁羊裘。譜就玉田新句。付與小紅低唱。蕙帶縛縈。笑問元真子。漁婢借人否。今古恨。身世感。別離愁。十平聲年鶯脰湖住。遊倦欲歸休。拚買綠蓑青笠。送老橫